

Партийн организац малин хот белдлгэнд

Целинн района „Целинный“ совхозин эклц партийн организац ик биш. Энүнд 26 коммунистнр бääсн деернь, 6 күн шинäs орулдж авгдв.

Олна малин тоог элвэдж, äмн болгъни тоод, малас авдг эдл-уш гаргългъарн ахр цагин эргцд Америкиг күцхмн гисн партин болн правительствин шиидвриг күцäхд, партийн организац ик оньган öгч, цуг эв-аргъан олзлхур совхозин коллективиг зөрүлнä.

Тегäd 16 коммунистнр болн комсомольцнр күч-көлсчирт лекцс, докладс умшна, теднäs нань 28 агитатор шишлнъ цääлгъврин көдлмш кенä. Эрсин газетс, боевой листокс тасрхан угагъар гаргъгдна. Эднд нүүрт йовх улсиг темдгддж бичсн деерән, залху, хоома көдлмштәнъ дамбрлгдна. Ганцхн август сарин эргцд фермсär 28 доклад болн лекц умшгад, 24 кино үзүлгдäд, эрсин 9 газет гаргъгдв.

Июль август хойр сард партийн 4 хург болн партбюрон 2 заседань болснд, кесг зүсн төрмүд күүн дгдв. Тедн дунд

малдан хойр джилд элвг күрх хот, дулан хаша-хаац, малчнрт үвлзх геринь белдхин тускар күүндвр гарч тодрхшиидвр авгдв. Терүн деер хбöчнрин боли үкрчнрин хойр хург болв.

Мана совхоз малдан шимтä хот — эрдни-шишän силос дарлгъар Целинн районд түрүн орм эзджәнä. Август сарин 23-д болсн хургт, цуг коммунистнр боли малчнр сентябрин 5 күртл 9000 тонн эрдни-шишän силос дарх даалгъвр авсан күцäхär, социалистическ дөрлдäг öргär делгрүлджәнä. Ода 7 мингъ шаху центнер силос даргдв.

Малдан элвг хойр джилд күрх хотин көрнъ бүрдäлгэнд эдндән шимтä хот — силос икär белдх ноолданд 2-ч фермин (управляющнь Г. Поляков) болн 3-ч фермин (управляющнь Ц. Дорджиев) коллективс түрүн орм эздж йовцхана.

„Целинный“ совхозин коллектив öмнän тävгдсн төрән күцäхнъ лавта.

Т. САЛЫКОВ.

эклц парторганизацнн сеглätр.